

UMPCT jalin kerjasama dengan firma Norway

Analisis logam, ujian persekitaran manfaat penerokaan peluang baharu kepada industri tempatan, serantau

Oleh Shahrinnahar Latib
bhnews@bh.com.my

Kuantan

UMP Holdings Sdn Bhd (UMPH) melalui anak syarikatnya, UMP Consultants & Training Sdn Bhd (UMPCT) menjalin kerjasama dengan DNV-GL Sdn Bhd (DNV-GL) dalam bidang pengujian teknikal dan pengkomersialan teknologi.

Kerjasama dengan syarikat berpangkalan di Norway itu mem-

babitkan analisis kegagalan logam, pengujian dalam persekitaran khas dan ekstrem serta lain-lain pengujian berkaitan.

UMPC berpengalaman dalam bidang pengujian dan perundingan teknikal, latihan dan pembangunan sistem, manakala DNV-GL menawarkan khidmat klasifikasi, jaminan teknikal, perisian serta perkhidmatan pakar penasihat bebas bagi industri maritim, minyak dan gas serta tenaga.

Majlis menandatangani memo-



Syed Mohamad Hamzah Al-Junid (tiga dari kanan) bertukar dokumen MoU dengan Caceres (tiga dari kiri) pada satu majlis di KLCC, Kuala Lumpur.

randum persefahaman (MoU) kerjasama itu diadakan di Kuala Lumpur, baru-baru ini.

UMPH diwakili Ketua Pegawai Eksekutif Kumpulan, Syed Mohamad Hamzah Al-Junid Syed Abdul Rahman, manakala DNV-GL diwakili Pengarah Urusan Minyak dan Gas DNV-GL Malaysia, Hernando Caceres.

Tingkat keupayaan UMPCT
Syed Mohamad Hamzah Al-Junid berkata, kerjasama itu dapat meningkatkan keupayaan UMPCT untuk terus mempelopori bidang

Info

UMPH

UMPH ditubuhkan 8 Mac 2004, syarikat milik penuh Universiti Malaysia Pahang (UMP).

→ **Mengkomersialkan penemuan saintifik ciptaan atau produk UMP,** jadi jambatan di antara universiti dan pihak luar yang berminat mendapatkan perkhidmatan dapat menjana pendapatan.

pengujian teknikal di Malaysia dan meneroka peluang baharu bersama DNV-GL.

“Menurusiti kerjasama itu juga, kedua-dua syarikat bersertai bersama-sama meneroka peluang baharu membabitkan pengujian teknikal, terutama dalam industri minyak dan gas, pembinaan serta pengangkutan di sekitar Asia.

“Gabungan kepakaran dan ke mudahan kedua-dua syarikat di libat dapat memberi manfaat kepada industri di Malaysia dan Asia,” katanya semalam.

PENDIDIKAN